



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-33-41652-6/21  
Sarajevo, 20.12.2021. godine

Na osnovu člana 70. st. 1. i 2. Zakona o organizaciji organa uprave u Federaciji BiH („Službene novine FBiH“, broj 35/05), člana 22. tačka (2) Zakona o izvršavanju Budžeta Kantona Sarajevo za 2021. godinu („Službene novine Kantona Sarajevo“, br. 5/21 i 44/21) i Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13, 16/14 i 6/17), Ministar zdravstva Kantona Sarajevo, donosi

## **O D L U K U**

**o dodjeli sredstava za finansiranje/sufinansiranje programa i projekata neprofitnih organizacija za udruženja koja pružaju podršku djeci oboljeloj od malignih bolesti i njihovim roditeljima sredstvima Budžeta Kantona Sarajevo za 2021. godinu, razdjel Ministarstva zdravstva Kantona Sarajevo**

### **I**

Ovom Odlukom utvrđuje se dodjela sredstava Udruženju „Srce za djecu oboljelu od raka“ Sarajevo (u daljem tekstu: korisnik), za finansiranje Projekta "Manje boli kada su roditelji blizu" iz Budžeta Kantona Sarajevo za 2021. godinu - pozicija Ministarstva zdravstva - ekonomski kod 614300 - KAN085 – Tekući transferi neprofitnim organizacijama za udruženja koja pružaju podršku djeci oboljeloj od malignih bolesti i njihovim roditeljima, u iznosu od 50.000 KM.

### **II**

Ministarstvo zdravstva Kantona Sarajevo će, najkasnije u roku od 7 (sedam) dana od dana stupanja na snagu ove odluke, zaključiti Ugovor o dodjeli sredstava sa korisnikom kojem su dodjeljena sredstva.

Ugovor iz stava 1. ove tačke će sadržavati odredbu kojom će se utvrditi obaveza korisnika sredstava da najkasnije do 31.01.2022. godine, Ministarstvu zdravstva Kantona Sarajevo dostavi izvještaj o namjenskom utrošku dodjeljenih sredstava.

### **III**

Ukoliko korisnik iz tačke I ove odluke u ugovorenom roku ne dostavi izvještaj o utrošku sredstava ili dodjeljena sredstva utroši suprotno ugovorenom, dužan je na zahtjev nadležnog ministarstva izvršiti povrat dodjeljenih sredstava na Jedinstveni račun Trezora Kantona Sarajevo najkasnije u roku od 15 dana računajući od dana prijema pisane obavijesti Ministarstva o obavezi povrata sredstava.

### **IV**

U slučaju da korisnik ne dostavi izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

### **V**

Za izvršenje ove odluke zadužuju su Ministarstvo zdravstva Kantona Sarajevo i Ministarstvo finansija Kantona Sarajevo.

## VI

Odluka stupa na snagu danom donošenja.

### O b r a z l o ž e n j e

Na osnovu objavljenog Javnog poziva za finansiranje/sufinansiranje programa i projekata neprofitnih organizacija za udruženja koja pružaju podršku djeci oboljeloj od malignih bolesti i njihovim roditeljima sredstvima Budžeta Kantona Sarajevo za 2021. godinu, razdjel Ministarstva zdravstva Kantona Sarajevo, koji je objavljen u listu „Dnevni avaz“ dana 20.11.2021. godine, a na web stranici Ministarstva zdravstva Kantona Sarajevo, dana 19.11.2021. godine, Komisija za provođenje Javnog poziva za finansiranje/sufinansiranje programa i projekata neprofitnih organizacija za udruženja koja pružaju podršku djeci oboljeloj od malignih bolesti i njihovim roditeljima sredstvima Budžeta Kantona Sarajevo za 2021. godinu, razdjel Ministarstva zdravstva Kantona Sarajevo, koju je Rješenjem broj: 10-33-41652/21 od 15.11.2021. godine, imenovao Ministar zdravstva Kantona Sarajevo, je pristupila otvaranju i pregledanju pristiglih prijava.

Nakon što je konstatovano da je pristigla jedna prijava i provedene procedure utvrđene Pravilnikom o postupku po javnom pozivu za dodjelu novčanih sredstava neprofitnim organizacijama i udruženjima iz oblasti zdravstva, Komisija je predložila Ministru zdravstva Kantona Sarajevo, da se navedenom udruženju izvrši dodjela sredstava, a u skladu sa Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo i navedenim pravilnikom.


Shodno svemu navedenom odlučeno je kao u dispozitivu ove odluke.

### Pouka o pravnom lijeku

Na ovu odluku može se uložiti prigovor Ministru zdravstva Kantona Sarajevo u roku od 3 (tri) dana, računajući od dana objave Odluke na web stranici Ministarstva zdravstva Kantona Sarajevo.

**MINISTAR**

**Prof. dr Haris Vranić**



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1

